



30. oktober 2018

UKA2018/83

Nalakkersuisut pisussaaffilerneqassasut kingusinnerpaamik UA/2019imi aningaasaateqarfimmik pilersitsinissamik siunnersuuteqassasut Kalaallit Nunaanni isumagininnikkut ajornartorsiutaasunik ilisimatusarnissanut, nalilersuinissanut pinaveersaartitsinissanut misissuinissanullu atorneqartussamik. Meeqqat inuusuttullu navianartumik inissisimasut - imaluunniit meeqqat inuusuttullu navianartorsiortinneqarnissaminut aarlerinartumiittut ilaqutaallu pingaarnerusutigut aningaasaateqarfiup siunertatut siunertarissavaa. Siusinaarluni iliuitsit, aningaasarsionertigut siusinaarluni iliuseqarusulersitsisunik ingerlatinnarlunilu iliuseqarnissat aamma periutsinik nalimmassaanerit, inunnik isumagininnermi katsorsaansissamik allanillu neqeroorutit aningaasaateqarfimmi ukkatarineqarnerussapput.

(Aleqa Hammond, Nunatta Qitornai)

Tillie Martinussen Suleqatigiissitsisuneersoq naalakkersuisut suliakkerumavai aningaasaateqarfilioqqullugit, taassumalugooq siunertarissuaa isumagininnerup silarsuaani ilisimatusarnikkut, nalilersuisarnikkut, pinaveersaartitsinikkut misissuisarnikkullu atorneqartassasut.

Nunatsinni kinguaassiuutitigut atonerluisarneq naaggaarluinnarparput, meeqqanik suminginnaasarneq naaggaarluinnarparput aammalu isumaqarpugut pinaveersaartitsineq annerpaaq siunertaqarluartorlu siunnerfiujuartussaasoq isumaqarpugut.

Naalakkersuisunikkut inatsisartoqarnermilu qujanarluinnartumik meeqqat inuusuttuaqqallu pillugit suliniarnikkut atasiusumik siunnerfeqarneq assorsuaq kalaaliusugut ajornartorsiummik qaangiinarnermi nukissat tamaasa atorsinnaasat atorlutigit siunnerfeqarneq tulluusimaarutigisarpaput. Ajornartorsiutit paqumiginagit aammalu tunuarsimaarfiginagit aqqissutissaqarumalluta ilisimatusarfiit, peqqinnissaqarfiit, politiit, pinaveersaartitsisut, kommunit, ilaqutariinnik siunnersuisut, pitsaaliuisut, atuarfiit, meeqqeriviit, ilinniarfiit allarpassuillu suleqatigineqarput aammalu anguniakamut piginneqataasutut misigisimallutik ingerlatsillutik. Suleqatigiinneq piosoq nukitsorsartuasaaq, toqqissisimasumik sulisinnaaneq illersugaassaaq, siunertat allanngorteqattaarlugit sangujor-aartumillu allanngortitseqattaannginnissaq pisariaqarpoq.

Siunnersuuteqartup siunertaa apeqqusinngilarput ilungersortumilli inuiaqatigiit sanngiinnerusortavut ikiorserumallugit sulinera tapersersornarteqaarput, apeqquserumavarpulli aningaasaateqarfiliornikkut ikiorserniakkat ilumut ikiorserneqarnerusinnaanerit aammalu suliat eqaannerusumik ingerlalersinnaanerit apeqquserparput.

Nunatta Qitornai

Inatsisartuni



Nukiit piusut, inuit sullittut, aningaasaliissutit ataavartut aammalu siunnerfik ungasinnerusq isigalugu siusinaartumik iliuseqartarnissamut tunngasut ingerlasut tunuliaqutserluarumavagut pisari-aqartitaasalu sulianut naapertuuttuunissaat qulakkeerinneqataaffigiumallugu nikissat atorumallutigit.

Suliffeqarfiit, ingerlatsiviit allallu siunissami siunertarisamut aningaasaateqarfiliorsinnaanerannut periarfissaq ammavoq, maannakkutulli ingerlaneq anigaasat inatsisaat aqutigalugu siunertanut tulluarsakkanut atuutsinneqartartut ingerlanissaat kissaatigaarput.

Taamatut tunngavilersuuteqarluta aningaasaateqarfiornissamut siunnersuut taamatut isikkoqartillugu itigartipparput.